

# TSELA YA HO FUMANA LESEDI LA HAO LA TLHEKELO YA LEKGETHO

#YourTaxMatters

Jwalo ka Kgwebo e Nnyanennyane, e Nnyane kapa e Mahareng (SMME), ho tla ba le nako eo ka yona o tlang ho lokela hore o fane / tiise / abelane / ka lesedi la hao la tlhekelo ya Lekgetho ho setheo se seng. Sena se ka etsahala ha o etsa kopo ya thendara, kontraka e ntjha, ho ba dibukeng tse ntle tsa tefo ya lekgetho kapa ho se mabapi le Botsetedi ba Matjhabeng. **Lesedi la hao la tlhekelo ya Lekgetho le ka fumanwa ka tsela ya mokgwatshebetso wa Maemo a Boikobelo ba Tefo ya Lekgetho.**



## Ebe mokgwatshebetso wa Maemo a Boikobelo ba Tefo ya Lekgetho ke eng?

Maemo a boikobelo ba Tefo ya Lekgetho (TCS) a nkile sebaka sa mokgwatshebetso wa Setifikeiti sa Tlhekelo ya Lekgetho o neng o sebediswa pejana ke SARS. Mokgwatshebetso o motjha wa TCS o o dumella ho fumana **PHINI ya TCS** ka yona nako eo hona le ho emela ho etsetswa Setifikeiti sa Lekgetho.

Hopola! Maemo a hao a Boikobelo ba Tefo ya Lekgetho ha a tsepama ka ha a dula a fetofetoha ho latela boitshwaro ba hao ba lekgetho, mme a ka ba le tshusumetso hodima menyetla ya hao ho tsa kgwebo.

## Ke hloka eng hore ke kgone ho ikobela tefo ya lekgetho?

Hore o ikobele tefo ya lekgetho, o lokela ho netefatsa hore:

- ✓ O ingodiseditse mefuta ya makgetho ohle a hlokehang
- ✓ O fana ka dikgutliso tsa hao tsohle tsa lekgetho ka nako
- ✓ O lefa sekoloto sa hao sa lekgetho ka nako



## Tsela ya ho fumana PHINI ya TCS ka eFiling?

Netefatsa hore khompyutha kapa laptop ya hao e na le Adobe Flash le hore ya sebetsa. Etela [www.adobe.com](http://www.adobe.com) ho rwalla sena.



### 1 Kena ho eFiling

Ebang o so sebedise eFiling, ingodisitse seo ho [www.sarsefiling.co.za](http://www.sarsefiling.co.za). O lokela hore o be o ingodiseditse eFiling mme o na le sehlahiswa se le seng sa lekgetho se sebetsang profaeleng ya hao hore o tsebe ho thakgola tshebetso ya hao ya TCS.

### 2 Thakgola tshebetso ya hao ya Maemo a Boikobelo ba Tefo ya Lekgetho

O hloka ho thakgola Maemo a hao a Boikobelo ba Tefo ya Lekgetho hang feela mme a tla dula a ntse a sebetsa. Hang ha o qeta ho thakgola tshebetso, o tla bona "My Compliance Profile" sekerining.

Ebang o ingodiseditse makgetho a fetang bonngwe mme o so ka o a momahanya ho ba profaele e le nngwe e ngodisitsweng, o kgothaletswa hore o phethele tshebetso ya "Merge Entities" ho bona profaele ya boikobelo ba makgetho ana kaofela ha ona.



### 3 Boha "My Compliance Profile" ya hao

Maemo a hao a boikobelo ba tefo ya lekgetho a tla pepeswa ho latela ditlhoko tse na tsa boikobelo:

- Maemo a ngodiso
- Nyehelo ya dikgutliso
- Sekoloto
- Ditokomane tse hlokehang tsa tshehetso

Ho tla hlhella profaele e mekala ho o bontsha hore na o feela o ikobela tefo ya lekgetho bakeng sa tlhoko ka nngwe e boletsweng ka hodimo mona kapa tjhe.

Botala – Merero ya hao ya lekgetho e metle mme molefalekgetho o ikobela tefo ya lekgetho

Bofubedu – Merero ya hao ya lekgetho e mebe mme molefalekgetho ha a ikobele tefo ya lekgetho.

### 4 Kopa PHINI ho eFiling

Ho kopa PHINI leba ho "My Compliance Profile":

- Kgetha boikgethelo ba "Tax Compliance Status Request"
- Kgetha mofuta wa TCS eo o batlang ho etsa kopo ya yona. O tla ba le boikgethelo bo latelang:
  - » Ho ba dibukeng tse ntle tsa tefo ya lekgetho
  - » Thendara
  - » Alawense ya Matsete a Matjhabeng (Batho ka bomong ba bona feela)
  - » Tsa bofalli (Tsa batho ka bomong ba bona feela)
- Tlatsa kopo ya Maemo a Boikobelo ba Tefo ya Lekgetho mme o e nyehele ho SARS.

O lokela ho fumana PHINI ya hao hanghang ka SMS kapa ka imeile ebang merero ya hao ya lekgetho e le motjheng.



O ka kopa ho fumantshwa PHINI ya hao hape tlasa "My Compliance Profile"

Sa Bohlokwa: Ho tla ntshuwa PHINI e ikgethang bakeng sa kopo ka nngwe eo o e etsang ho SARS.

### Ke etsa eng ebang "My Compliance Profile" ya ka e le KGUBEDU?

#### Boikgethelo ba 1:

Tsamaya hodima sesupo sa maemo se reng "Non-compliant" ho eFiling ho fumana dintlha tse ding tse mabapi le ho lokisa maemo a hao a boikobelo mme o etse seo o se koptjwang.

#### Boikgethelo ba 2:

Ebang o sa dumellane le seo, mme o batla ho phehisana le maemo a hao a boikobelo ba tefo ya lekgetho, o ka kgetha "Challenge Status" e ka tlase sekerining sa "My Compliance Profile".



## Ke mang ya ka NETEFATSANG MAEMO A HAO A BOIKOBELo BA TEFO YA LEKGETHO?

Ho na le mehlala e mengata moo motho (motho ka bomong kapa khampani e nngwe kapa setheo sa mmuso) a ka hloka ho netefatsa maemo a boikobelo ba tefo ya lekgetho bakeng sa kopo ya thendara, ho ba dibukeng tse ntle tsa tefo ya lekgetho - ho tiisa hore na merero ya hao ya lekgetho e feela e le hantle le SARS na, kapa ho tse mabapi le alawense ya Botsetedi ba Matjhabeng.

Ho netefatsa maemo a boikobelo ba tefo ya lekgetho ho eFiling, motho kapa setheo se tla hloka nomoro ya hao ya referense ya lekgetho le nomoro ya PHINI. Etela [www.sars.gov.za](http://www.sars.gov.za) ho fumana motjha wa ho netefatsa PHINI ya TCS.

### DISCLAIMER

The information contained in this leaflet is intended as guidance only and is not considered to be a legal reference, nor is it a binding ruling. The information does not take the place of legislation and readers who are in doubt regarding any aspect of the information displayed in the leaflet should refer to the relevant legislation, or seek a formal opinion from a suitably qualified individual. For more information you may – • Visit the SARS website [www.sars.gov.za](http://www.sars.gov.za) • Contact your registered tax practitioner; • Contact the SARS National Contact Centre – If calling locally, on 0800 00 7277; or If calling from abroad, on +27 11 602 2093 (only between 8am and 4pm South African time).